



## Միպիւ

### Ճշմարտության ծարավ

Չուզեցի խաբվիլ մանկությանս օրեն.  
Կեղծիքը ահն էր, սարսափն էր կյանքիս.  
Պատրանքբերու մեջ ապրիլ վատորեն  
Միշտ մերժեց, ասեց իմ խրոխտ հոգիս:

Վերբերը փաթթող շրդարշնե՛ր քնքուշ,  
Ծաղիկնե՛ր որոնք թույն կը պարփակեն,  
Միրտրս փայփայող խոստումներ անուշ,  
Որքա՛ն դողացի ձեր սուտ դյութանքեն:

Տենչոտ, հրրաշունչ համբույրնե՛ր անհագ,  
Խուսափուկ սիրո գոգտրիկ փափրտ՛ւք,  
Ծով նայվածքներու ահե՛ղ կաղարդանք,  
Լանջքրդ տոչորող հրախա՛նձ պասուք:

Ինչպե՛ս մերժեցի, ինչպե՛ս վանեցի  
Ձոր արբեցընեղ խրոռվքն անսահման,  
Չնշեցի իսպառ հանձնելով բոցի  
Ինչ որ խաբուսիկ երաղ էր միայն:

Եվ թմրեցընող հանկուցիչ սուտոր՝  
Դուք որ անդունդին եզերքը անույս  
Կամ գերեղմանի փոսին առընթեր՝

Բուռ-բուռ կը սփռեք ցնորքներ և հույս:

Երբեք ձեր գուրին չըդիմեցի ես,  
Որպեսզի սուգիս, տագնապներու մեջ

Փարատեք, անայդ գիշերու պես  
Սև կսկիծներու խավարը անվերջ:

Կյանքին իրական մեծ սարսափներեն  
Երբեք չը վախցա. շուղեցի որ զիս  
Սուտ տեսիլքներով գգվեն, օրորեն.  
Մերկ ճշմարտության ծարավ էր հոգիս:

Խուժդուժ վայելք մ'էր միշտ ինձի համար  
Շոշափել դաշույնն, որ պիտի խոցեր  
Իմ հեք, բաբախուն սիրտըս խանդավառ  
Որ ցավեն կույար ու կ'ալեկոծեր:

Միշտ բզբտեցի ձեռքով մ'անսարսուռ  
Քողը վարդագույն, քողը ոսկեթել,  
Որ ճշմարիտը ծածկեց ինձմե գո՛ր,  
Եվ խաբկանքներով ուզեց զիս դյութել:

Ու հիմա, թո՛ղ զիս գալարեն, տանջեն.  
Հոգիդ մի՛շտ ազատ, անյլայլ ու սեգ՝  
Հաղթապանձ կ'ելլե ցավերու մեջեն.  
Միայն թե զինքը չը խաբեն երբեք: